



Slobodan Loga

Akademik, Prof. dr sc. med., Emeritus

Bosna i Hercegovina

Rođen je 1936. godine u Oštrelju (Bosna i Hercegovina). Završio je Medicinski fakultet Univerziteta u Sarajevu 1960. godine, a nakon završenog fakulteta specijalizaciju iz neuropsihijatrije (1966), te postdiplomske magistarske studije iz eksperimentalne medicine (1969), kao i postdiplomski kurs iz Kliničke psihofarmakologije (Medical Faculty, Charles University, Prag-Češka Republika), a 1973. godine je odbranio doktorsku disertaciju. Obavljao je značajne stručno-naučne dužnosti: redovni profesor neuropsihijatrije na Medicinskom fakultetu Univerziteta u Sarajevu i prorektor Univerziteta u Sarajevu, dopisni a potom i redovni član Akademije nauka i umjetnosti Bosne i Hercegovine (od 2005), gdje je obavljao funkcije Generalnog sekretara, a potom i potpredsjednika ANUBiH (do 2015). Od 2005. godine je profesor emeritus a od sedamdesetih godina prošlog vijeka je predavač po pozivu na postdiplomskim studijama na univerzitetima u Sarajevu, Beogradu, Zagrebu, Rijeci, Skoplju, Firenci, Beču, Rimu i Pjongjangu. Od 1977. godine je gostujući profesor na Univerzitetu Illinois u Čikagu (SAD). Bio je predsjednik Udruženja neurologa i psihijatara Jugoslavije i predsjednik Udruženja psihijatara Bosne i Hercegovine. Član je Akademije nauka i umjetnosti Bosne i Hercegovine, Evropske Akademije nauka i umjetnosti (Salzburg, Austrija), CINP (College International Neuropsychopharmacologicum), počasni član Udruženja psihijatara u Bosni i Hercegovini. On je autor ili koautor preko 250 publikacija u časopisima, knjigama i monografijama, pretežno u domenu kliničke psihijatrije, i jedan je od najcitiranijih istraživača iz Bosne i Hercegovine. Učestvovao je u preko 50 projekata, uglavnom kao coordinator i bio aktivni učesnik brojnih kongresa, simpozija i seminara u zemlji i inostranstvu.